

994

13 = 56
P29

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
JU "KANTONALNI CENTAR ZA SOCIJALNI RAD"
Gatačka 80, 71000 Sarajevo

Broj: .35/X-01-530-692/19
Datum: 10.04.2019.godine

KANTON SARAJEVO	
Općina	10.04.2019
01	05 8345

SKUPŠTINA KANTONA SARAJEVO
PREDSJEDAVAJUĆI SKUPŠTINE KANTONA SARAJEVO
Ul. Hamdije Čemerlića br. 2
SARAJEVO

PREDMET: Zastupničko pitanje, zastupnice Jasne Duraković

Poštovani,

Vezano za zastupničko pitanje zastupnice Jasne Duraković postavljeno na Šestoj radnoj sjednici Skupštine Kantona Sarajevo, održanoj 26.03.2019.godine, u okviru tačke Dnevnog reda "Poslanička/zastupnička pitanja, inicijative i odgovori", a koja se tiču rada Javne ustanove "Kantonalni centar za socijalni rad", koja glase:

1. "Zašto nam uopšte trebaju centri za socijalni rad ako se neće baviti i ovakvim slučajevima i neće svoje kadrove obučavati za rad na terenu kroz obiliske nezbrinutih, teško oboljelih ili osoba s invaliditetom koje se ne mogu brinuti same o sebi? Gdje je nestala ta socijalna osjetljivost i ljudskost?"
2. "Kada će ministarstvo obaviti detaljan pregled i kontrolu svih općinskih centara za socijalni rad kako bi se ustanovile potrebe za edukativnom nadogradnjom postojećih kadrova i otvorio prostor za nova radna mjesta jer su nam prijeko potrebni kvalitetni socijalni radnici pošto je to deficitaran kadar već godinama? " i
3. Pored deficitarnog kadra koji radi u centrima, postoje i mnoge druge manjkavosti u sistemu socijalne zaštite od nedostatka objektivnosti u pojedinim slučajevima do pristrasnosti i neprofesionalnog rada sa strankama koje dolaze u centre da traže pomoć i zaštitu. Kako i kada se to planira riješiti i da li postoji neka strategija rada u narednom periodu koja uređuje ovu oblast, mimo najavljenog projekta izrade socijalne karte na području KS?"

dostavljamo Vam odgovore

1.1. Socijalni rad sa starijim osobama, osobama s invaliditetom i bolesnim osobama koje potpadaju pod neku od kategorija korisnika u skladu s odredbama Zakona o osnovama socijalne zaštite, zaštite civilnih žrtava rata i zaštite porodice sa djecom („Službene novine Federacije BiH“, broj 36/99, 54/04, 39/06, 14/09, 45/16 i 40/18), i Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo“, broj: 38/14 – Prečišćeni tekst, 38/16, 44/17 i 28/18), kao što je Zastupnica Jasna Duraković navela u Zastupničkom pitanju, trebao bi se temeljiti na kontinuiranom terenskom radu i

pružanju mjera i usluga socijalne zaštite predhodno navedenim kategorijama. Na žalost uvjeta za provođenje stvarnog terenskog socijalnog rada na prostoru Kantona Sarajevo nema. Prvi preduvjet za uspostavu odgovornog terenskog rada je, uvođenje standarda u Centru za socijalni rad usklađenih sa standardima Evropske Unije prema kojima jedan socijalni radnik pokriva ukupno 50 korisnika, ili stvaranje pretpostavki prema kojima će jedan socijalni radnik pokrivati 1187 stanovnika kao što je u Austriji ili 425 stanovnika kao što je u Litvaniji ili 2250 stanovnika kao što je u Hrvatskoj¹. U Kantonu Sarajevo je u 2018.godini jedan socijalni radnik tretirao više od 500 korisnika, odnosno pokrivao više od 11000 (jedanaest hiljada) stanovnika. Uvođenje standarda u ustanovama socijalne zaštite i generalno u oblasti socijalne djelatnosti kroz usvajanje Zakona o socijalnim uslugama i Zakona o socijalnoj djelatnosti za čiju dosljednu primjenu će se stvoriti preduvjeti, može uvesti red u oblast socijalnog rada i obezbjediti da Centar za socijalni rad u praksi dosljedno provodi svoju djelatnost.

2.1. Imperativ Centra za socijalni rad je kontinuirano sticanje stručnih znanja i razvijanje vještina zaposlenika, te zapošljavanje stručnog kadra koji može zadovoljiti potrebe korisnika i koji je spreman nositi se sa izazovima socijalnog rada u dvadesetprvom vijeku. Centar za socijalni rad podržava u cjelosti provođenje detaljne analize stanja kadrova, pregled i kontrolu svih općinskih službi socijalne zaštite koje djeluju u okviru Centra, te analizu u pogledu potreba za edukativnom nadogradnjom postojećih kadrova i otvaranjem prostora za nova radna mjesta.

3.1. Federalno ministarstvo rada i socijalne politike unazad nekoliko godina radi na izradi Zakona o socijalnim uslugama i Zakona o socijalnoj djelatnosti. Usvajanjem navedenih zakona riješilo bi se pitanje koja se odnose na licenciranje socijalnih radnika čime bi se uspostavio sistem, ne samo kontinuiranih edukacija, već i praćenja njihovog stručnog i profesionalnog rada.

S poštovanjem,



V.D. DIREKTOR-a

Enes Šabić dipl.pravnik

Dostavljeno:

1.naslovu,

2.a/a

¹ Podaci iz Komparativne analize propisa i prakse u oblasti djelatnosti socijalnog rada u Bosni i Hercegovini, Republici Srbiji, Republici Hrvatskoj i EU 2016.godine -izvor fld.ba novost/9838/